



Na osnovu člana 68. stav 4. tačka b), i) i člana 69. stav 2. e) i 70. st. 1. 4. i 6. Zakona o javnim nabavkama („Službeni glasnik BiH“, broj 39/14), u otvorenom postupku za izvođenje radova na izgradnji 5 zasebnih razvodnih mreža iz rezervoara Briznik 1, Briznik 2, Čauševići 1, Čauševići 2 i Lužnice, MZ Briznik, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak javne nabavke za izvođenje radova na izgradnji 5 zasebnih razvodnih mreža iz rezervoara Briznik 1, Briznik 2, Čauševići 1, Čauševići 2 i Lužnice, MZ Briznik, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba za finansije.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-1259/21 od 25.01.2021. godine. Obavještenje o nabavci broj: 1355-1-3-71-3-35/21 objavljeno je na Portalu javnih nabavki dana 25.03.2021. godine.

Procijenjena vrijednost za predmetnu nabavku iznosila je 217.949,00 KM bez PDV-a.

Ponuđač “FLEX INVEST” d.o.o. Sarajevo je dostavio stari Obrazac za cijenu ponude - Aneks II, što nije u skladu sa Izmjenom tenderske dokumentacije, te se ponuda ponuđača “FLEX INVEST” d.o.o. Sarajevo odbacuje u skladu sa članom 68. stav 4. tačka i) Zakona o javnim nabavkama.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuđač „SIGMA-SK“ d.o.o. Zenica je propustio da popuni više stavki u Obrascu za cijenu ponude (Aneks II) što nije u skladu sa tenderskom dokumentacijom, jer za svaku stavku mora biti navedena cijena. Ponuda ponuđača „SIGMA-SK“ d.o.o. Zenica odbacuje se u skladu sa članom 68. stav 4.tačka i) Zakona o javnim nabavkama.

Ponuđač „TED INVEST“ d.o.o. Sarajevo je dostavio stari Obrazac za cijenu ponude -Aneks II, što nije u skladu sa Izmjenom tenderske dokumentacije, te se ponuda ponuđača „TED INVEST“ d.o.o. Sarajevo odbacuje u skladu sa članom 68. stav 4. tačka i) Zakona o javnim nabavkama.

Grupa ponuđača „HUNES“ d.o.o. Žepče i „AME“ d.o.o. Breza su dostavili garanciju za ozbiljnost ponude u plastičnoj foliji koja nije zatvorena, na kojoj nema naljepnice niti pečata niti je otvor uvezan jemstvenikom, što nije u skladu sa tačkom 5.5. tenderske dokumentacije. Grupa ponuđača u predmjeru radova - Obrazac za cijenu ponude (Aneks II) je propustila da popuni više stavki, što nije u skladu sa tenderskom dokumentacijom, jer za svaku stavku mora biti navedena cijena kao što je navedeno u Obrascu za cijenu ponude (Aneks II- napomena).S obzirom na navedeno ponuda grupe ponuđača „HUNES“ d.o.o. Žepče i „AME“ d.o.o. Breza se odbacuje u skladu sa članom 68. stav 4. tačka i) Zakona o javnim nabavkama.

Ponuđač „KOMGRAD-ZE“ d.o.o. Zenica u svojoj ponudi nije dostavio garanciju za ozbiljnost ponude, što nije u skladu sa tačkom 5.5. tenderske dokumentacije, te se shodno tome ponuda ponuđača „KOMGRAD-ZE“ d.o.o. Zenica odbacuje u skladu sa članom 68. stav 4. tačka b) Zakona o javnim nabavkama.

Ponuda ponuđača „ŠPIC BETON“ d.o.o. Zenica u vrijednosti od 349.724,57 KM i ponuda ponuđača „POROBIĆ“ d.o.o. Zavidovići u vrijednosti od 233.717,62 KM znatno su veće od osiguranih sredstava za predmetnu nabavku.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba za finansije, Trg BIH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-1259-2/21

Datum: 21.04.2021. godine

DOSTAVLJENO :

7 x Ponuđači

1 x Služba za finansije

1 x Tenderska dokumentacija

1 x a/a



GRADONAČELNIK:

Fuad Kasumović